



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

21 DISEMBER 2021 (SELASA)



KEMENTERIAN PERDAGANGAN DALAM NEGERI
DAN HAL EHSAN PENGOLONG

KERATAN AKHBAR DAN MEDIA ONLINE (KPDNHEP)

21 DISEMBER 2021 (SELASA)

KPDNHEP, MAFI pastikan bekalan mencukupi sepanjang perayaan

Skim harga maksimum Krismas esok

PUTRAJAYA – Kementerian Perdagangan Dalam Negeri dan Hal Ehwal Pengguna (KPDNHEP) akan melaksanakan Skim Harga Maksimum Musim Perayaan (SHMMP) Krismas 2021 bermula Khamis hingga 31 Disember ini.

Menterinya, Datuk Seri Alexander Nanta Linggi berkata, skim berkenaan membabitkan lapan jenis barangan ayam, sayur, daging kambing dan daging babi.

"Antara lapan jenis barangan itu termasuk ayam belanda import, ayam tua hidup (Sarawak sahaja), kepak ayam (Sabah, Sarawak dan Labuan sahaja), daging kambing biri-biri import bertulang dan lada benggala hijau.

"Selain itu, babi hidup (kawalan di peringkat ladang sahaja), daging babi (perut) dan daging babi (daging dan lemak) di Sarawak, Sabah dan Labuan sahaja," katanya semalam.

Tambahnya, lebih 2,200 pegawai Pusat Arahkan Penguatkuasaan (ECC) serta lebih 1,000 Pegawai Pemantau Harga (PPH) digerakkan ke seluruh negara bagi memantau pematuan SHMMP Krismas 2021 di kawasan



ALEXANDER

bandar dan luar bandar.

Menurutnya, KPDNHEP dan Kementerian Pertanian dan Industri Makanan (MAFI) akan bekerjasama bagi memastikan bekalan barangan mencukupi dan harga di pasaran stabil.

"Kementerian turut meningkatkan pemantauan harga melalui Pegawai Pemantau Harga (PPH) yang menjalankan pemantauan harga barangan keperluan asas di seluruh negara.

"Tindakan tegas akan diambil terhadap peniaga yang gagal mematuhi peraturan-peraturan



LAPAN jenis barangan termasuk ayam merupakan antara yang terkandung dalam SHMMP Krismas 2021 bermula Khamis sehingga 31 Disember ini. – GAMBAR HIASAN

di bawah skim ini dan tindakan boleh diambil mengikut Akta Kawalan Harga dan Antipencatutan 2011," jelasnya.

Mengulas lanjut, Alexander berkata, pelaksanaan SHMMP adalah kesinambungan terhadap pelaksanaan Skim Harga Maksimum

Keluarga Malaysia (SHMKM) bermula 7 Disember lalu sehingga 31 Disember ini, meliputi 12 jenis barangan.

8 barang skim harga maksimum musim Krismas

Kuching: Kementerian Perdagangan Dalam Negeri dan Hal Ehwal Pengguna (KPDNHEP) akan melaksanakan Skim Harga Maksimum Musim Perayaan (SHMPP) Krismas bermula lusa hingga 31 Disember ini.

Menterinya Datuk Seri Alexander Nanta Linggi berkata, skim ini akan membolehkan lapan jenis barangan terdiri daripada ayam belanda import, ayam tua hidup (Sarawak sahaja) dan kepak ayam (Sabah, Sarawak dan Labuan sahaja), daging kambing biri-biri import

bertulang, lada benggala hijau, babi hidup (kawalan di peringkat ladang sahaja), perut babi (Sabah, Sarawak dan Labuan sahaja), daging dan lemak babi (Sabah, Sarawak dan Labuan sahaja).

"KPDNHEP dan Kementerian Pertanian dan Industri Makanan (Mafi) akan bekerjasama melakukan pantauan untuk memastikan bekalan barangan adalah mencukupi dan harga di pasaran stabil," katanya dalam sidang media di sini, semalam.

Katanya lebih 2,200 pegawai

Pusat Arah Penguatkuasaan (ECC) dan lebih 1,000 Pegawai Pemantau Harga (PPH) digerakkan ke seluruh negara bagi memantau pematuan SHMPP Krismas 2021 di kawasan bandar dan luar bandar.

"Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 yang memperuntukkan kompaun sehingga RM50,000 ataupun didenda sehingga RM100,000 atau penjara sehingga tiga tahun

atau kedua-duanya," katanya.

Nanta berkata, syarikat pula boleh didenda sehingga RM500,000 atau dikompaun sehingga RM250,000.

Selain SHMPP Krismas 2021, beliau berkata, Skim Harga Maksimum Keluarga Malaysia (SHMKM) juga sedang dilaksanakan sehingga 31 Disember ini yang membolehkan 12 jenis barangan.

Katanya, SHMKM bagi 12 jenis barangan seperti ayam, telur ayam, dan

sayuran di samping memastikan keberadaan bekalan di pasaran.

**“
Mana-mana
peniaga yang
melakukan
kesalahan akan
diambil tindakan
Nanta**



Harga maksimum kit ujian sendiri kekal RM19.90 seunit

Persaingan jadi punca peruncit jual alat kesan COVID-19 lebih murah

Kuching: Kementerian Perdagangan Dalam Negeri dan Hal Ehwal Pengguna (KPDNHEP) tidak bercadang mengubah harga maksimum kit ujian sendiri COVID-19 yang dijual secara runcit di pasaran ketika ini.

Menterinya, Datuk Seri Alexander Nanta Linggi, berkata walaupun harga maksimum kit itu ditetapkan RM19.90 seunit, ada peruncit menjual pada harga lebih murah.

"Kita tidak perlu ubah (harga maksimum) itu, sekarang sudah turun banyak, ada yang jual RM4

lebih saja (satu kit), RM4.60 ada, RM4.90 pun ada," katanya selepas melakukan pemeriksaan harga barang di sebuah pusat beli-belah di sini, semalam.

Beliau berkata, penurunan harga itu disebabkan persaingan jenama kit ujian terbabit selepas kementeriaannya meluluskan lebih banyak jenama kit itu memasuki pasaran negara.

"Kita pun tak mahu kalau letak satu harga (maksimum baharu), mungkin jika kita letak RM10, jadi yang sudah murah mungkin boleh naik harga pula nanti."

"Kit ujian itu sudah diisytiharkan barangan kawalan mulai 1 Disember lalu, sekali gus menjadi kesalahan jika stoknya disorokkan," katanya.

Dalam pada itu, beliau berkata, kementerian akan melaksanakan Skim Harga Maksimum Musim Perayaan (SHMMP) sempena Krismas bermula Khamis ini hingga 31 Disember.

Katanya, ia akan membolehkan lapan jenis barangan meliputi



Pelbagai jenama kit ujian sendiri dijual di pasaran runcit.

(Foto hiasan)

ayam Belanda import dan ayam tua hidup (Sarawak saja).

"Selain itu, kepak ayam (Sabah, Sarawak dan Labuan saja), daging kambing biri-biri import bertulang, lada benggala hijau, babi hidup (kawalan pada peringkat ladang saja), perut babi (Sabah, Sarawak dan Labuan saja) serta daging dan lemak babi (Sabah, Sarawak dan Labuan saja).

"KPDNHEP serta Kementerian

Pertanian dan Industri Makanan (MAFI) akan bekerjasama melakukan pemantauan bagi memastikan bekalan barangan mencukupi serta harga dalam pasaran stabil," katanya.

Sehubungan itu, beliau berkata, lebih 2,200 pegawai Pusat Arah Penguatkuasaan (ECC) serta lebih 1,000 pegawai pemantau harga (PPH) digerakkan ke seluruh negara bagi memantau pe-

Kita pun tak mahu kalau kita letak satu harga (maksimum baharu), mungkin jika kita letak RM10, jadi yang sudah murah mungkin boleh naik harga pula nanti

Alexander Nanta Linggi,
Menteri
Perdagangan
Dalam Negeri dan
Hal Ehwal
Pengguna



matuhan SHMMP Krismas 2021 di bandar dan luar bandar.

"Skim Harga Maksimum Keluarga Malaysia (SHMKM) juga sedang dilaksanakan hingga 31 Disember ini.

"Pelaksanaan SHMKM membolehkan 12 jenis barangan seperti ayam, telur ayam dan sayuran, selain memastikan keberadaan bekalannya dalam pasaran.

BERNAMA

Penetapan harga ayam tekan peniaga

Oleh MUHAMMAD SHAHIZAM TAZALI
utusannews@mediamulla.com.my

ALOR GAJAH: Penjual ayam segar akur dengan pelaksanaan Skim Harga Maksimum Keluarga Malaysia (SHMKM) yang berkuat kuasa sehingga 31 Disember ini, meskipun mengakui tertekan dengan perkara itu.

Tinjauan *Utusan Malaysia* di pasar basah dan premis perniagaan sekitar Kuala Sungai Baru dekat sini mendapati, penjual mematuhi arahan Kementerian Perdagangan Dalam Negeri dan Hal Ehwal Pengguna (KPDNHEP) apabila menjual ayam segar pada harga RM9.30 sekilogram.

Seorang penjual, Zuzannah Othman, 50, berkata, dia hanya memperoleh keuntungan sebanyak 80 sen berbanding RM1 sekg sebelum ini kerana membeli ayam yang siap diproses pada harga RM8.50 sekilogram dengan pemborong.

Menurutnya, dia juga sukar mendapatkan ayam bersaiz besar yang melebihi dua kilogram ketika ini.

"Saya perlu melalui dua orang tengah untuk mendapatkan bekalan iaitu pemborong dan pihak yang memproses ayam. Semasa ayam sampai kepada saya pun sudah mahal, bagaimana hendak menjualnya pada harga RM9.30 sekilogram?"

"Mahu atau tidak saya terpaksa akur dengan arahan kerajaan. Saya berharap isu ke-



PENJUAL ayam segar tertekan dengan pelaksanaan SHMKM kerana harga kawalan maksimum menyebabkan keuntungan mereka menyusut susulan kos modal yang tinggi. - UTUSAN/MUHAMMAD SHAHIZAM TAZALI

naikan harga ini diatasi segera terutama di peringkat hulu agar kebajikan para peniaga juga diambil kira," katanya ketika ditemui di sini semalam.

Sementara itu, seorang lagi penjual, Manja Dulan, 49, memberitahu, pelanggan yang datang ke kedainya akan memilih ayam bersaiz kecil dan mengelak membeli dalam kuantiti banyak.

Katanya, saiz potongan juga diminta dikecilkan sedikit berbanding kebiasaan.

"Dulu mereka akan membeli

dua ekor ayam tetapi sekarang hanya seekor, itu pun saiz yang lebih kecil. Bagi peniaga pula, jika ayam yang sampai daripada pemborong bersaiz kecil, kami terpaksa menjual melalui kuantiti untuk mendapatkan keuntungan yang diinginkan.

"Peniaga ayam ketika ini memang tertekan dengan kenaikan harga yang tidak munasabah sehingga tidak boleh balik modal. Kami pun tidak boleh turunkan harga lebih murah kerana akan rugi," katanya.

Senarai Harga Barang Keperluan		Telur Gred A		Cula Pasir		Cili Merah	
Ayam	RM7.99	Telur Gred A	RM12.30	Cula Pasir	RM2.85	Cili Merah	RM9.90
Daging Lembu Tempatan	RM40	Ikan Kembung	RM7.99	Bawang Besar Holland	RM2.49	Kubis Bulat Tempatan	RM2.79
Daging Lembu Import	RM15.50	Minyak Masak	RM6.50	Bawang Putih	RM5.49	Tepung Gandum	RM2.20

*Harga (RM/kg) Sumber: KPDRHEP